

新 京 漢 醫 會 推 獎

現 漢 醫 寶 用 藥 物 學

馬 二 琴 先生 監 定

孫 純 一 著

新 京 廣 益 書 店 刊 行



現代
漢醫

實用藥物學

此一先生大著

是乃仁術

金榮桂



實用藥物學序

余抵京伊始。即聞京市同道相告曰。孫君純一。蓬萊續學士也。經驗宏富。著述等身。爲漢醫界之傑出分子。因志於心板者久之。嗣以首都漢醫會。有講習會之成立。余與孫君。同任講席。於是不時相遇。數數懇談。孫君博洽羣書。洞明要理。詢其早年所著之醫學妙諦。已經無存。因出其近作藥性類編見示。余受而携歸。經兩旬而卒業。其詞簡而潔。其理澈而當。體挾其微。用指其的。可作初學之南針。可爲成家之臂助。誠藥物學之佳作也。夫古今之藥性書籍。汗牛充棟。不失之於繁。即失之於混。致墮學於五里霧中者。比比然也。求其朗若列眉。瞭如指掌。能治我心者。實不多見。故余對藥物學素抱有整理之私念。第懷著述忌早之戒。不敢率爾操觚。復日復年。訖無成就。今垂垂欲老。二毛競發。得讀此書。曷勝慶幸。孫君此作。實開藥物學書改善之先河。與我有同心焉。他日得暇。更與今世之生理病相對照。而直揭其功用。詎不百尺竿頭。又進一步乎。質諸孫君。以爲如何。是爲序。

康德八年七月中旬

瀋陽馬英麟二琴甫識於新京特別市立醫院漢醫科

序

良相良醫。皆能濟世。然良相非得志澤被天下。不能本所學而宏施之。若良醫即志在活人。苟出其術以療人疾。應其治者。無不霍然而立效。雖功利有廣狹。而博濟無窮。收益與良相無異。醫固不重乎哉。雖然。世固有以醫自驕。以術自祕者焉。本救人之道。而無慈善之心。往見有驕醫者流。趨走皆豪貴之門。若蓬戶桑樞。延之多不之應。即應矣。而遲遲吾行。與草草將事。直視如貧苦病人無足重也者。噫。若人能不以人命爲草菅乎。此驕醫俗見填胸。未足與議也。更有醫術雖精。而吝不傳人。微論儒醫世醫。其學固高時流一等。診治非不奏效。方案非不精詳。獨是延之診證則可。從之學術則否。一若爲爲繡出憑君看。不把金針度與人。獨得自祕。寧肯漫易授人。良醫死而奇方絕。古今來不乏明醫。身沒而其術不傳者。往往如是。吾謂驕醫固不足道。若挾技而祕不授人。其誤其過。亦良不淺。若孫君純一。則覺乎異是。君儒學淵深。精明醫理。出其術以拯人疾。非第妙手回春。亦無驕俗習態。人稱之曰良醫良醫洵不之愧。蓋君之醫良。由於君之學醇君之學醇。實由於君之存心仁厚。不欲以能自祕。視前所言者。其優勝不可以道里計。爰本所心得者。著爲實用藥物學一書。以授夫有志醫學者。而取法焉。對於各藥性味功用。用意精深。

序 文

二

立言淺顯。君久醫達藥。迥與人云亦云者不同。茲不贊。吾知此書出。醫林取而談之。初學固得所師程。即成學亦可借爲參考。脈理明而用藥無誤。起病夫而健康之。其爲功不綦重歟。種嘉因。結美果。吾望君之後福方長。不狃過。而知非。吾尤願誤蹈前習者之遷善。僕老矣。夙不知醫。今閱是編。亦似略窺用藥門徑。讀竟而樂爲之序。

辛巳○年陽月

七十七叟李中拜序

序

孫君純一，研醫有年，學識與經驗俱富，縣壺以來，活人無數，此久居新京者無不許爲名醫。

孫君常慨歎漢醫之不振也，爰將多年之經驗，著有「脉學舉要」及「醫學妙諦」二書，刊行後，果獲斯界好評，人以獲得一編爲榮，是豈先生之幸歟，抑亦漢醫界之幸也。

原來自西醫播入我土以來，其療法之新奇，及收效之神速，此固盡人皆知，然西醫學術之精湛，且需完整之設備，環顧我國目前之現狀，有不能普徧之勢，且我國土地遼闊，南北氣候不一，窮鄉僻壤，雜病綦多，西醫既不能普徧，則漢醫有不可一日或少之概，亦明矣。

今之鄙漢醫者，動曰不科學化，夫庸醫害人，固不容赦，然醫之不盡庸愚，猶人之不盡癡騷，未可以一二人而愚，遽斥漢醫之無用也，矧漢醫有數千年之歷史，聖哲幾許之研究，遽而鄙之，未免數典忘祖。

孫君第三部「藥物學」刊行，余得見孫君之苦心彌深敬佩不已，爰草數語以資紀念。

黃 南 宋 毅

== 序 ==

今將藥性。分門彙萃。俾寒熱補瀉表裏潤燥之品。界限畫清。又將每藥性味功用主治。一一詳明。願學者。能臨症處方。不至混淆。更能對病發藥。不至悞人。乃著者之區區苦心焉。然亦不可得此以爲自足。洎復閱各家所著之本草。以增學力。諒讀者。或不以斯言視爲河漢。此書校讐。蒙修政君。竭力襄助。特此誌謝。

目次

卷上

一、金省長題字

二、馬醫長序

三、李子正先生序

四、宋理事序

五、序

一、宣肺祛風之品（共藥三十味）

二、升陽散寒之品（共藥三十一味）

三、回陽溫寒之品（共藥三十九味）

四、降火清暑之品（共藥六十一味）

五、涼瀉血熱之品（共二十三味）

六、清暑濕燥之品（共藥十九味）

卷中

一、燥脾理滋之品（共藥三十四味）

二、滋陰潤燥之品（共藥二十五味）

目次

一、潤肺化痰之品（共藥四味）	一四
一、宣涌引吐之品（共藥八味）	一六
一、寒涼攻下之品（共藥一八味）	一八
一、通宮消導之品（共藥一八味）	二三
一、消痰軟堅之品（共藥一四味）	二七
一、消積殺蟲之品（共藥一〇味）	二九
一、宣滯行氣之品（共藥三十五味）	三四
一、破瘀活血之品（共藥三十八味）	四二
一、右通經宣絡之品（共藥七味）	五〇

卷下

一、收斂固脫之品（共藥三十三味）	一
一、安神鎮魂之品（共藥十四味）	九
一、扶元補氣之品（共藥十九味）	一二
一、養精補血之品（共藥十九味）	二七

附錄本草三種抄讀

實用藥物學 (卷上)

宣肺祛風之品

著者曰。風邪僅能傷表。而無傷裏。故祛風之品。不過輕清解肌。使風邪宣散而已。兼他氣者。宜參究各類。

牛蒡子 『性味』辛苦平無毒。

『功用』散風熱。利咽。消腫。能豁痰。

『主治』風痰嗽咳。風齩牙痛。頭面浮腫。皮膚風痒。小兒痘症癰疹風腫毒。及咽喉不利。

蘇薄荷 『性味』辛涼無毒。

『功用』清熱。散風。發汗。

『主治』頭痛頭風。中風失音。眼耳咽喉口齒諸病。皮膚癰疹。

淨蟬衣 『性味』鹹甘寒無毒。

『功用』散風熱。宣肺透癰疹。

『主治』小兒驚癇。大人眩暈。發痘退目翳。治皮膚癰疹。傷風失音。

實用藥物學 卷上

玉桔梗

『性味』苦辛微溫無毒。

『功用』宣肺去痰利咽喉。載藥上浮。

『主治』咳嗽痰壅。鼻塞目赤。喉痺咽痛齒痛口瘡。肺癰。胸膈滯氣。『用量』三分至半錢。

淡豆豉

『性味』苦微寒無毒。

『功用』除煩散熱發汗。

『主治』寒熱疫氣瘴氣熱病。煩悶懊憹不眠。及頭痛頭風。

大豆卷

『性味』甘平無毒。

『功用』退熱。利濕。解肌。

『主治』疎通胸胃積熱積滯。消水除脹。濕痺筋攣膝痛。乃降濁升清之品。

嫩前胡

『性味』苦辛微甘無毒。

『功用』祛痰降氣解表。

『主治』止咳嗽去痰飲。兼清火下氣。解散表邪。然氣下則火降痰消也。

炒殭蠶

『性味』辛鹹平無毒。

『功用』祛風化痰鎮癢。

『主治』傷風失音。頭痛牙痛。喉痺。咽腫。風痰。兼治驚癇。

栝蒌皮

『性味』甘寒無毒。

『功用』皮行肌表。兼清熱潤燥消痰止渴。

『主治』咳嗽有痰口渴。

象貝母

『性味』辛苦寒無毒。

『功用』清肺熱祛痰。

『主治』疎肺氣。宣解鬱結。去風痰。止咳嗽。

左秦艽

『性味』辛平無毒。

『功用』宣通經絡。散風濕。活血榮筋。

『主治』寒熱風寒濕痺。頭風。口噤。偏身攣急。肢節痛。手足不遂。牙痛。

鮮竹葉

『性味』甘寒無毒。

『功用』去煩熱。利小便。清心。

冬桑葉

『性味』苦平無毒。

『功用』去風涼血。長髮明目。已消渴。止盜汗。

甘菊花

『性味』辛涼無毒。

『功用』散風熱。明目消腫。

生梨皮

『主治』惡風。頭目風熱。煩熱。疔毒。目淚頭眩。

『性味』甘寒微酸無毒。

『功用』潤燥化熱。止嗽消痰。以皮清皮。能解風熱。

旋覆花

『性味』辛苦溫有小毒。

『功用』止嗽下氣。行痰水。

『主治』噫氣。大腸水腫。喘咳嘔逆。脇滿痛。

鮮荷葉

『性味』苦平無毒。

『功用』助脾胃升發陽氣。解毒涼血。

『主治』化濕和胃。治雷頭風一切血症。

佛耳草

『性味』甘平無毒。

『功用』祛風痰。止哮喘。

『主治』寒瘕疾。頭風腦漏。牙痛。肺風。能治風邪鬱火內熱。除痰止嗽。

馬勃絨

『性味』甘平無毒。

『功用』清宣肺熱。消腫利咽喉。

『主治』治喉咽腫痛。熱咳失音。鼻衄。傳諸瘡。

穀精草

『性味』辛甘溫無毒。

『功用』散風熱。明目除翳。

『主治』頭風喉痺。牙痛疥痒。

蔓荊子

『性味』苦辛微寒無毒

『功用』散風熱。清頭目。

『主治』頭風作痛。腦鳴。目赤淚出。目睛肉痛。濕痺拘攣。

草決明

『性味』苦微寒無毒。

『功用』祛風熱。清肝明目。

『主治』目痛障翳。蟲疥惡瘡。禁忌腫子散大者忌服。

決明子

『性味』涼苦寒無毒。

『功用』散風熱。涼肝明目。

『主治』頭風風熱。頭風眼赤腫痛。青盲內障淚出羞明。一切目疾。

絡石藤

『性味』甘酸微寒無毒。

『功用』舒筋活絡散瘀消腫。祛風熱。

『主治』因風熱口干舌焦。癰腫不消死肌。堅筋。利關節。

木賊草

『性味』苦溫無毒。

『功用』發汗散肝鬱。解熱退翳。

『主治』口痛。迎風流淚。翳膜遮睛。腸風血利。疝痛。『禁忌』多服損肝令人目瞶。若日疾

由於怒氣。及暑熱傷血暴赤腫痛者。均忌之。入發汗藥宜去節用。

壁螬窠

即壁錢

『主治』急疔牙蝕腐臭。及喉痺金瘡出血。

胖大海

『性味』甘淡寒無毒。

『功用』清熱消腫利咽。

『主治』時行赤眼。風火牙痛。乾咳無痰。

嫩桑枝

『性味』苦平無毒。

『功用』祛風利濕通關節。

『主治』風濕痛痺。在手足者宜之。及水氣脚氣。

金鎖匙

俗呼金鎖銀關

『主治』清膈熱。治風火喉症。

忍冬籐

『性味』甘寒無毒。

『功用』清熱消腫解毒。舒筋絡。

『主治』活絡利關節。治癰疽。

右宣肺祛風之品共三十味

歌曰。宣肺祛風（之品）牛（勞子）薄荷。蟬衣桔梗（淡大）豆（鼓卷）前胡。殭蠶（括）萆（皮象）貝（母）秦艽竹。（葉）桑（葉）菊（花）梨皮旋覆（花）荷。（葉）

又歌。佛耳（草）馬勃穀精（草）蔞。卓決明子絡石藤。木賊（草）壁錢胖大海。桑枝金鎖（匙）忍冬藤。

升陽散寒之品

著者曰。寒邪能傷表。能中裏。故乃升陽氣散表寒邪之品也。其性皆溫。濕邪傷表。於此選焉。

淨麻黃

『性味』辛苦微溫無毒。

『功用』發汗而利便。

『主治』傷寒中風。頭痛。溫瘧。風水身腫。肺脹上氣。及因表邪不解而作之痰咳。『禁忌』汗多及虛喘者。禁服。

嫩桂枝

『性味』辛甘溫無毒。

『功用』調和營衛。解肌散風。

『主治』自汗傷風頭痛骨節痠痛。風痺。咳嗽。手足痛。脇風痛。『禁忌』性能動血。陰虛火